

**QORAQALPOG'ISTON
RESPUBLIKASI
VAZIRLAR KENGASHINING
QARORI**



**QARAQALPAQSTAN
RESPUBLIKASI
MINISTRLER KENESINIŇ
QARARI**

2022 - yil 17 - sentabr

466-13-0-Q/22

Qoraqalpog'iston Respublikasi
Vazirlar Kengashi

**ҚОРАҚАЛПОҒИСТОН РЕСПУБЛИКАСИ ВАЗИРЛАР
КЕНГАШИНИНГ РЕГЛАМЕНТИГА ЎЗГАРТИРИШ ВА ҚЎШИМЧАЛАР
КИРИТИШ ТЎҒРИСИДА**

Ўзбекистон Республикаси Президентининг “2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини “Ёшларни қўллаб-қувватлаш ва аҳоли саломатлигини мустаҳкамлаш йили”да амалга оширишга оид давлат дастури тўғрисида” 2021 йил 3 февралдаги ПФ-6155-сон Фармони ижросини таъминлаш ҳамда фуқаролар ва тадбиркорлик фаолиятига тааллуқли қарорлар қабул қилиш жараёнининг шаффофлигини таъминлаш мақсадида Вазирлар Кенгаши қарор қилади:

1. Вазирлар Кенгашининг 2020 йил 8 июлдаги 193-сон қарори билан тасдиқланган Қорақалпоғистон Республикаси Вазирлар Кенгашининг Регламентида (“Қорақалпоғистон тонги” газетаси, 2020 йил 10 июль, 27-28-сон) иловага мувофиқ ўзгартириш ва қўшимчалар киритилсин.

2. Қорақалпоғистон Республикаси Адлия вазирлиги манфаатдор вазирликлар ва идоралар билан биргаликда ўзлари қабул қилган ҳужжатларни бир ой муддатда ушбу қарорга мувофиқлаштирсин.

3. Вазирлар Кенгашининг Ахборот хизматида мазкур қарорни расмий манбаларда эълон қилиш вазифаси топширилсин.

4. Ушбу қарор расмий эълон қилинган кундан эътиборан ўз кучига кириши белгилаб қўйилсин.

5. Мазкур қарорнинг бажарилишини назорат қилиш Қорақалпоғистон Республикаси Вазирлар Кенгаши Раисининг ўринбосарлари ва Вазирлар Кенгашининг Ишлар Бошқарувчиси зиммасига юклансин.

Қорақалпоғистон Республикаси
Вазирлар Кенгашининг Раиси



Қ.Сариев

Qoraqalpog'iston Respublikasi
Vazirlar Kengashining
2022 yil 17 sentabrdagi
466-13-0-Q/22-son qaroriga
1-ilova

Қорақалпоғистон Республикаси Вазирлар Кенгашининг Регламентига киритилаётган ўзгартириш ва қўшимчалар

1. 26-бандга қуйидаги мазмундаги учинчи хатбоши қўшилсин:

“Хўжалик бошқаруви органлари ваколатига кирувчи масалалар ва корпоратив муносабатларни қонуности ҳужжатларини қабул қилиш ёки маъмурий усуллар орқали тартибга солиш тақиқланади”;

2. 29-бандга қуйидаги мазмундаги иккинчи хатбоши қўшилсин:

“Вазирлар Кенгаши ҳужжатларининг лойиҳаларига жисмоний ва юридик шахслар учун жавобгарлик белгилловчи ҳуқуқий нормалар киритилиши тақиқланади”;

3. 30-банд қуйидаги мазмунда баён қилинсин:

“Вазирлар Кенгашининг муҳим иқтисодий ва ижтимоий-сиёсий аҳамиятга эга норматив-ҳуқуқий ҳужжатлари лойиҳалари, қоида тариқасида, лойиҳани ишлаб чиқувчи ташкилотлар томонидан Норматив-ҳуқуқий ҳужжатлар лойиҳалари муҳокамаси порталига белгиланган тартибда жамоатчилик муҳокамаси ўтказилиши учун жойлаштирилади.

Норматив-ҳуқуқий ҳужжатлар лойиҳалари муҳокамаси порталида жойлаштирилладиган норматив-ҳуқуқий ҳужжатларнинг лойиҳаларини жамоатчилик томонидан муҳокама қилиш натижалари Адлия вазирлигига (ҳуқуқий экспертиза учун) ва Вазирлар Кенгашига (кўриб чиқиш учун) киритилади, бунда, қоида тариқасида, келиб тушган таклифларни кўриб чиқиш натижалари кўрсатилиши мажбурийдир.

Норматив-ҳуқуқий ҳужжатлар лойиҳалари Ўзбекистон Республикаси Президентининг “Тартибга солиш таъсирини баҳолаш тизимини янада такомиллаштириш чора-тадбирлари тўғрисида” 2021 йил 15 мартдаги ПҚ-5025-сон қарoriga мувофиқ тартибга солиш таъсирини баҳолашдан ўтказилади”;

4. 31-банд қуйидаги мазмундаги 3-6-хатбошилар билан тўлдирилсин:

“Қорақалпоғистон Республикаси бюджетидан ва давлат мақсадли жамғармалари бюджетларидан, Қорақалпоғистон Республикаси республика

бюджетининг бюджетининг захира жамғармаларидан қуйидаги мақсадларда маблағлар ажратишга оид Вазирлар Кенгашининг ҳужжатлари лойиҳалари:

давлат органлари ва бошқа ташкилотларнинг олдига қўйилган вазифаларни ҳал этиш, шунингдек, ушбу йўналишда давлат харидларини амалга ошириш учун ушбу давлат органлари ва бошқа ташкилотлар томонидан;

Вазирлар Кенгашининг эҳтиёжларини қондириш ҳамда унинг олдига қўйилган вазифаларни ҳал этиш, шунингдек, ушбу йўналишда давлат харидларини амалга ошириш учун Вазирлар Кенгашининг Ишлар бошқарувчиси ўринбосари ва Бош ҳисобчиси томонидан ишлаб чиқилади (тайёрланади).

Бунда Вазирлар Кенгашининг Ишлар бошқарувчиси ўринбосари ва Бош ҳисобчиси, давлат органлари ва бошқа ташкилотларнинг биринчи раҳбарлари, шунингдек Молия вазири тақдим қилинган лойиҳалар ва унга асос бўлган барча ҳужжатлар (шу жумладан, лойиҳа-смета ҳужжатлари)нинг сифатли, ҳар томонлама ишлаб чиқилиши, маълумотларнинг тўғрилиги, уларни амалга оширишнинг пировард натижалари ва оқибатлари, ажратилаётган (сарфланаётган) пул маблағлари ва бошқа товар-моддий бойликларнинг мақсадга мувофиқ ажратилиши ва сарфланиши учун шахсан жавобгар ҳисобланади”;

5. 32-бандда:

а) “схемалар бўйича” сўзлари “схема асосида” сўзлари билан алмаштирилсин:

б) қуйидаги мазмундаги иккинчи ва учинчи хатбошилар билан тўлдирилсин:

“Вазирлар Кенгашининг қарорлари ва фармойишлари, шу жумладан, хизмат доирасида фойдаланиш учун мўлжалланган қарорлари ва фармойишларини ишлаб чиқиш, келишиш, қабул қилиш (чиқариш), рўйхатга олиш ва эълон қилиш, қоида тариқасида, “Е-qaror” электрон тизими орқали амалга оширилади”;

Техник ва бошқа сабабларга кўра, “Е-qaror” электрон тизими орқали ишлаш имкони бўлмаган тақдирда Вазирлар Кенгашининг ҳужжатлари лойиҳалари ишлаб чиқиш, келишиш, қабул қилиш (чиқариш), рўйхатга олиш ва эълон қилиш, кейинчалик “Е-qaror” электрон тизимига қайта жойлаштириш шарти билан Раиснинг рухсати билан қоғоз ёки бошқа шаклларда ҳам амалга

оширилишига йўл қўйилади”;

6. 33-бандда:

а) қуйидаги мазмундаги ўн биринчи хатбоши билан тўлдирилсин:

“Вазирлар Кенгашининг коррупцияга қарши ички назорат бўлими билан — Қорақалпоғистон Республикаси бюджетидан ва давлат мақсадли жамғармалари бюджетларидан, Қорақалпоғистон Республикаси республика бюджетининг захира жамғармаларидан маблағлар ажратиш, шунингдек, давлат харидларини амалга ошириш масалаларига оид лойиҳалар;”

б) ўн биринчи ва ўн учинчи хатбошилар тегишлича ўн иккинчи ва ўн тўртинчи хатбошилар деб ҳисоблансин;

7. 38-бандда:

а) қуйидаги мазмундаги ўнинчи хатбоши билан тўлдирилсин:

“ишлаб чиқувчи томонидан тузилган коррупциявий омилларни аниқлаш бўйича намунавий шаклдаги саволнома (чеклист);”

б) ўнинчи ва ўн биринчи хатбошилар тегишлича ўн биринчи ва ўн иккинчи хатбошилар деб ҳисоблансин;

8. Регламентга 1 ва 2-иловалардаги “Ягона интерактив давлат хизматлари порталига” сўзлари “Норматив-ҳуқуқий ҳужжатлар лойиҳалари муҳокамаси порталига” сўзлари билан алмаштирилсин.

9. Регламентга 6 ва 7-иловалардаги “Ташкилий-назорат гуруҳи” сўзлари “Ижро интизоми назорати бўлими” сўзлари билан алмаштирилсин.

10. Регламентга 7-иловадаги “мудири” сўзи “бошлиғи” сўзи билан алмаштирилсин.